



**R.P. Leonardi Lessii E Societate Iesv Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censbris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Dvb. 8. Vtrum matrimoniu[m] ratum poßit in aliquo alio casu solui per  
Ecclesiæ dispensationem.

---

[urn:nbn:de:hbz:466:1-72898](#)

D V B I V M VI.

Vtrum matrimonium fidelium nondum consummatum, aliquando solui posse?

98  
Sententia  
affirmans  
est de fide.

**R** Espondeo & Dico Primo: Matrimonium fidelium nondum consummatum solui potest per professionem alterius coniugis in Religione approbata, quamvis alter repugnet. Est fide tenetum. Patet ex Concil. Trid. l. 2. c. 6. Si quis dixerit, matrimonium ratum, non consummatum, per solem Religionis professionem alterius coniugum non dirimi, anathema sit. Est contra haereticos huius temporis, & Erafum, qui in Paraphrasi cap. 7. i. ad Corinth. contrarium insinuat.

Canones.  
Probatur Primo: Ex multis Canonibus antiquis, Cap. Ex publico, Cap. Ex parte tua, Alexandri III. Et Cap. Verum, Innocentij III. de Conuersione coniugatarum, & Cap. Desponsatam 27. q. 2. Eusebij, quibus locis id apertissime definitur.

Exempla Sanctorum.  
Probatur Secundum: Exemplis Sanctorum, qui ante matrimonij consummationem coniuges seu sponsos suos reliquerunt, statum Religionis amplectentes. Sic fecit Thecla hortatu B. Pauli, teste Epiphanius haereti 78. Sic Macharius teste Hieronymo in eius vita. Sic Alexius teste Simeone Metaphraste. Sic duo milites prope Trewiros, lecta vita B. Antonij, relicti sponsis suis ingressi sunt monasterium, teste D. Augustino lib. 8. Confess. cap. 6. Sic plures alii.

Ratio con-  
gruenzia.  
99  
Soluuntur  
objec-  
tiones.  
Duo requi-  
sita ut ma-  
trimonium  
sit omnia  
insolubile.

Congruentia esse potest Primo: Quia sicut vinculum matrimonij consummati, eo quod sit carnale, soluitur per mortem naturalem; ita par erat, vt vinculum matrimonij rati, necdū consummati, cum sit spiritale, vtpote solo consensu nascens, solui possit per mortem civilē; atqui profectio Religionis est mors civilis; nam per illam amiserit homo omnia iura ciuilia. Ita Durandus dist. 27. q. 2. Secundum: Nam rationi consentaneum est, vt liceat ad statum perfectionis transire, quando id sine vlla alterius iniuria fieri potest: atqui in matrimonio rato, necdū consummato, id fieri potest sine cuiusquam iniuria est: ergo &c.

Dices Primo: Hoc matrimonium est verum Sacramentū, significans Christi & Ecclesie unitiōnem: ergo est omnino insolubile. Patet consequētia: quia D. Augustinus passim hanc rationem insolubilitatis adferre solet.

Respondeo: Quādo matrimonium dicitur esse omnino insolubile, eo quod sit Sacramentum, intelligendum est de matrimonio consummato; hoc enim, dum Sacramentum est, nullo casu solui potest, nisi per mortem naturalem; vt infra. Itaque ut omnimodū sit insolubile, duo requiruntur. Primum, Ut sit Consummatum. Secundum, Ut sit Sacramentum. Quod si non sit consummatū, potest solui per statum perfectionis, & fortassis etiā alio modo. Si autem non sit Sacramentū, potest solui causa Religionis, quamvis sit consummatum.

Dices Secundum: Coniux post contractum non habet amplius sui corporis potestatem: ergo non potest illud alio transferre contra coniugis voluntatem.

Respondeo: Per contractum traditur potestas corporis vtrō citroque, salvo iure diuinitus concessa, vel saltē dispensatione Apostolica; quo post initium coniugium, ante consummationem, potest vterque statum perfectionis eligere.

D V B I V M VII.

Quo Iure matrimonium ratum soluantur  
per professionem?

168  
Solutio  
iure Eccles  
iasticis.

**R** Espondeo: Omissis sententijs, probabilius videtur non solui Iure naturali, vel Iure diuino positivo, sed Apostolico seu Ecclesiastico. Ita Michael Medina lib. 4. De continentia sacrorum hominū c. 41. & 43. & alijs locis eiusdem Operis;

Probatur Primo: Quia si Iure naturali, vel diuino id fieret, etiam solueretur hoc matrimonium professione Religionis non approbatæ: quod tamē falsum esse patet tum ex vsu Ecclesie, tum ex communis Doctrorum sententia. Maior probatur: quia Religio approbata, & non approbata non differunt Iure diuino, vel naturali: ergo quod Iure diuino vel naturali operatur Religio approbata, etiam operatur non approbata.

Probatur Secundum: Professio Religionis soluit matrimonium ratum, quatenus est professio solemnis; vt omnes fatentur: atqui solemnitas professio nis est ex constitutione Ecclesie; vt patet ex Bonifacio VIII. Capitulo vii. De voto & voti redditione, n. 6. & ex constitutione Gregorij XIII. quæ incipit, Ascendite Domine: ergo, quod professio soluat matrimonium, est ex constitutione Ecclesie.

Probatur Tertiū: Ius naturale & diuum non possunt per Ecclesiam mutari: atqui Ius illud, quo professio Religionis irritat matrimonium, est mutatum per Ecclesiam: ergo non est Ius naturale vel diuum. Minor probatur, quia Ecclesia constituit, vt sola professio Religionis approbatæ matrimonium irraret, cum tamē olim etiam professio Religionis non approbatæ irraret. Nam approbatio illa primū caput esse necessaria circa annum Domini millesimum ducentesimum decimum quintum, quando magnum Conciliū Lateranense statuit, vt nulla Religio institueretur, nisi cum Sedis Apostolicae approbatione; vt patet Capitulo Nenima, de Religiosis dominibus: & tamen antea professio soluebat matrimonium; vt patet ex Capitulo Verum, de Conuersione coniugatorum, & ex exemplis allatis.

Aduerendum autem, hoc Ius esse validè antiquum, & videri ex Apostolica traditione descendere. Nam non invenitur eius auctor. Nonnulla tamen in eo facta est variatio, vt dictum est.

D V B I V M VIII.

Vtrum matrimonium ratu posse in aliquo alio  
casu solui per Ecclesie dispensationem?

**R** Espondeo: Posse, modo legitima causa subsit, 107  
quidquid dicat Sotus, & multi alii. Posse, ve-  
Probatur Primo: Quia est communis sententia tior senten-  
Canonistarum; vt docet Nauar. c. 22. n. 21. Idem tia est,  
tenet Cajetanus Opus. 28. Silvester V. Diuortium  
q. 4. & plerique Doctores hac tempestate: quam-  
uis ante annos LX. communior sententia Theo-  
logorum fuerit contraria.

Probatur Secundum: Quia Pontifices sēpē ob causas grauissimas in eo dispensarunt; vt referunt Antoninus 3. parte tit. 1. c. 21. §. 3. de Martino V. & Eugenio IV. & Nauarrus suprà de Paulo III. & Pio I. V. Non est autem credibile in re tanti momenti eos errasse: saltem nemo id nisi temere dixerit.

H h h ij

Probatus

Probatur Tertiò: Quia in alijs quibusdam casibus Iuris diuini Pontifices possunt dispensare, vt in iuramentis, & votis, etiam solemnibus, quem tamen solemnia vota non minus videntur hominem obligare, quam matrimonium non consummatum; cuius signum est, quod huiusmodi vota matrimonium soluant.

Probatur Quartò: Hæc potestas erat validè expediens Ecclesiæ ad consulendum saluti animarum, & occurrēt gravissimis scandalis, quæ nascen- tur, si talia matrimonia nunquam solui possent.

## DV BIV M IX.

*Quantū temporis concessum est coniugib⁹ post contractum, vt possint ingredi Religionem?*

102  
Semper ante consummationem licet ingressu di religio-

**Q**uidam dicunt solum duos menses concedi. Sed dicendum est, eos semper posse ingredi Religionem, quamdui matrimonium non est consummatum. Patet ex Cap. Verum, de Conuersione coiugatorum. & Cap. De sponsatam 27. q. 2. quibus locis nullū tempus determinatur. Nec obstat Capitulum Ex publico, de Conuersione coiugatorum: nam solum iubet Pontifex, vt Episcopus, ad quem causa delata erat, compellat coniugem volentem intrare Religionem, vt intra duos menses vel Religionem ingrediatur, vel debitum viro reddat; vnde illi duo menses numerandi sunt à tempore sententiæ Iudicis, non à tempore contractus. Hinc rectè colligunt Doctores, coniugem deliberantem de ingressu, habere ius negandi debitum per duos menses à contractu.

Quid si ini-

uniam op-

primat ma-

ritus?

Petes: Quid si maritus vi opprimat vxorem voluntem ingredi Religionem, poteritne ingredi? Respondeo: Valde probabile est non posse. Ratio est, quia matrimonium iam est consummatum. Docet Cœsar. 2. p. c. 7. §. 4. n. 15. Dices: Ergo priuatur suo iure sine sua culpa. Resp. Id mirū non esse, cum in similibus rebus id sepe accidat; vt in iure ad Ordines, ad beneficia, & ad matrimonium.

Aduerte tamen, contrarium quoque probabile esse; scilicet vxorem posse Religionem capessere: quod tenent multi recentiores. Tunc tamen maritus debet viuire cœlebs; quia, cum matrimonium fuerit consummatum, non soluitur vinculum. Ita Henriches lib. 1. de Matrimonio, c. 8. qui citat multos recentiores, & antiquos Canonistas.

## DV BIV M X.

*Vtrum matrimonium fidelium consummatum possit aliquo modo solui quoad vinculum, sic, ut virique liceat aliud inire?*

103  
Lutherus assertus.

**L**utherus docuit posse solui ob quasvis causas, ob quas alter alteri displicet; vel non ita cōmodum præbet; vt ob heresim, ob crebras rixas, ob diuturnā absentiam, ob suasionē peccati, &c. Vnde ipsius sententiā facilius possunt solui matrimonia, quam alij contractū; vt notaui Ruardus art. 18. Caluinus, & alij volunt solui, saltem causa fornicationis. In quam sententiā propendet Caietanus in cap. 19. Matth. & Catarinus lib. 5. contra Caietanum, decepti Paraphrasi Erasmi, qui etiam huic sententiæ fauet.

Assertio fi-

dei est ne-

gans.

Sed fide tenendum est, hoc vinculum nullo casu, præterquam morte, solui posse. Est definitum à Concilio Tridentino sess. 24. can. 6. & 7.

Probatur Primò: Ex Script. Marci 10. v. 11. Do-

Marti 10. minus scorsim explicans Apostolis, quæ dixerat

Phariseis, ait: *Quicumque dimiserit vxorem suam & aliam duxerit, adulterium committit super eā;* & si vxor dimiserit virū suū, & alij nupserit, machatur. Et Luce 16. v. 18. *Omnis qui dimisit vxorē suā, & alterā ducit, machatur; & qui dimissam à viro dicit, machatur.* His locis vniuersè pronuntiat Dominus, esse adulterū, qui priore dimissa alia duxerit: ergo non soluitur vinculū prioris matrimonij per dimissionē. Vide D. August. lib. 1. de Adulterinis coniugij cap. 9. ybi grauitate reprehendit eos qui has Scripturas tam evidentibus non intelligunt vniuersaliter.

Neque exceptio illa, quæ est apud Matth. c. 5. & 19. (*nisi ob fornicationem*) pugnat cum his propositionibus Scriptura tam vniuersalibus: nā solum respicit illam partē, qui dimiserit vxorē suam: voluit enim Matthæus explicare causam, ob quam liceret dimittere, nō verò ob quam liceret aliam ducere. Capite 5. sic dicitur, *Omnis qui dimiserit vxorem suam, excepta fornicationis causa, facit eā mœchari;* & qui dimissam ducit, adulterū; qui locus difficultatem non habet: *qui enim vxorem suam dimittit extra causam fornicationis, facit eam mœchari;* id est, est illi auctor vt adulterū committat cum alio viro, vnde eius adulterium ipsi imputatur. Si tamen ob causam fornicationis ipsam dimittat, iam non facit eam mœchari, sed mœchante dimittit, vt inquit Augustinus loco citato, nec adulterium eius ipsi imputatur. Capite vero 19. sic dicitur: *Quicumque dimiserit vxorem suam ( nisi ob fornicationem ) & aliam duxerit, machatur;* & qui dimissam duxerit, machatur: vbi hec exceptione dupliciter potest exponi: Primo, vt legatur per parenthesim, & sensus sit, quicumque dimiserit vxorē suam ( quod non licet nisi ob fornicationem ) & aliam duxerit, machatur. Vbi aduertere, id est exceptionem positam esse, non post illa verba & aliam duxerit, sed ante; vt intelligeremus, ne in hoc quidem casu licere aliam ducere, quando licet dimissa est; nam vir etiam tunc mœchatur, si aliam duxerit. Vide Hieronymum in hunc locum. Ita ferè exponunt recentiores. Secundo, vt illa exceptione non intelligatur exceptiū, sed negatiū; hoc sensu: *Quicumque dimiserit vxorem suam extra causam fornicationis, de qua modū non ago, machatur.* Ita D. August. lib. 1. de Adulterinis coniugij c. 9. Ideo autē tunc Dominus nolebat causam fornicationis comprehendēti, quod Pharisei potuissent apud plebem eius orationem tam generali calumniari. Vide plura apud Maldonatum in c. 5. & 19. Matthæi.

Idem probatur 1. ad Cor. 7. v. 10. Iis qui matrimonio iuncti sunt, præcipio non ego, sed Dominus, vxori à viro non discedere: quod si discesserit, manere innuptā, aut viro suo reconciliari. Loquitur Apostolus de muliere, quæ ob iustum causam discessit: nam dat ei optionem vt redeat, vel vt non redeat; quod nullo modo posset, nisi ob iustā causam diuortiū fuisset. Iubet tamen eam manere innuptā, si nolit reconciliari: vnde eidens est, vinculum nō esse solutū. Idem eodem capite. v. 39. *Mulier alligata est legi, quanto tempore vir eius viuit.* Et ad Roman. 7. v. 3. *Viuite viro vocabitur adultera, si fuerit cum alio viro.* Hæc verba, inquit Augustinus lib. 2. de Adulterinis coniugij c. 4. toties repetita, vera sunt, viua sunt, sana sunt, plana sunt.

Probatur Secundò: Ex Concilijs. Vide Canonem 48. Apostolorum, vbi iubetur excommunicari qui dimissa vxore aliam duxerit: & Canonem 9. Conc. Elibertini. Vide etiam Concil. Milevitanum c. 17. Placuit, vt secundum Euangelicam & Apostolicam